

University of Prizren Univerziteti Prizren "UKSHIN HOTI"	
Pranuar me dt.	22.03.2022
Zyra e pranimit	Nr. i protokollit
308	01-124



Universiteti "Ukshin Hoti" Prizren

Qendra e Biznesit Suharekë

Nr. Prot. ____ Prizren, _____.2022

Nr. Prot. ____ Suharekë, _____.2022

MARRËVESHJE BASHKËPUNIMI

Në mes të

UNIVERSITETIT "UKSHIN HOTI" PRIZREN

dhe

QENDRËS SË BIZNESIT SUHAREKË

Universiteti "Ukshin Hoti" Prizren, institucion i arsimit të lartë në Kosovë, me adresë rr. "Shkronjat" nr.1, Prizren, i përfaqësuar nga **Rektori, Prof. Asoc. Dr. Samedin Krrabaj**

dhe

Qendra e Biznesit Suharekë, me adresë rr. "Brigada 123" pa nr., Suharekë, me numër fiskal 600759560, përfaqësuar nga **Mr. sc Refki Zogaj**.

Te dy institucionet pajtohen të bashkëpunojnë për nxitjen e shkëmbimit të shumanshëm në funksion të zhvillimit institucional. Me vullnet të mirë palët u pajtuan si në vijim:

Neni 1

Qëllimi i Marrëveshjes:

Qëllimi i kësaj marrëveshjeje bashkëpunimi është përcaktimi i fushave dhe mënyrave të bashkëpunimit në mes të dy institucioneve të sipër shënuara.

Të dyja këto institucione do të kenë qëllim të përbashkët identifikimin e iniciativave për promovimin dhe mbështetjen profesionale në zhvillimin e gjithanshem edukativ dhe profesional të dy institucioneve.

Rekomandimet dhe ekspertiza profesionale janë të nevojshme veçmas në: projekt-idetë, projektet rajonale dhe ndërkombëtare, projektet pilot dhe programet e caktuara që kanë segmente të rëndësishme të angazhimit me këtë marrëveshje.

Neni 2

Forma e Bashkëpunimit

Bashkëpunimi ndërmjet dy institucioneve do të përfshijë:

- a) Nxitjen, mbështetjen dhe realizimin e projekteve të përbashkëta kërkimore dhe formuese;
- b) Institucionalizimin e bashkëpunimit reciprok dhe të ndërsjelltë në sferën e ofrimit të ndihmës për ngritjen e kapaciteteve profesionale të studentëve;
- c) Bashkëpunimin në organizimin e aktiviteteve dhe/ose projekteve rajonale dhe ndërkombëtare me interes të përbashkët;
- d) Shkëmbimin e eksperiencave, praktikave dhe ekspertëve;
- e) Zhvillimin e programeve hulumtuese, projekteve kërkimore-shkencore;
- f) Organizimin e përbashkët të konferencave, trajnimeve, seminareve dhe bashkëpunimeve të tjera profesionale;
- g) Pjesëmarrjen në ligjërata të hapura në fusha të ndryshme të biznesit;
- h) Organizimin e përbashkët të panairit të Karriesës në lokacion të Univesitetit;
- i) Funksionalizimin e laboratoreve të Universitetit dhe shfrytëzimin e tyre për studentët, stafin akademik dhe bizneset;
- j) Organizimin e vizitave studimore brenda dhe jashtë vendit;
- k) Mbështetja në kuadër të Bordit Këshilldhënës Industrial në lidhje me ndryshimin dhe përshtatjen e planprogrameve mësimore me praktikat aktuale të biznesit.

Neni 3

Ndryshimi dhe plotësimi i bashkëpunimit

Kjo marrëveshje bashkëpunimi është dokument bazë dhe për ndryshimet dhe plotësimet e saj si dhe për marrëveshjet e tjera të veçanta të arritura ndërmjet palëve do të bëhen diskutime paraprake. Ndryshimet dhe plotësimet e mëvonshme si dhe marrëveshjet e veçanta bëhen në mënyrën si në vijim:

- Mosmarrëveshjet eventuale palët do të përpiqen që t'i tejkalojnë me mirëkuptim;
- Ndryshimet ose plotësimet e Marrëveshjes do të jenë efektive pas pajtueshmërisë së palëve dhe nënshkrimit të tyre;

- Marrëveshjet e mëtejshme lidhur me ndonjë organizim të veçantë, me të drejta dhe detyrime reciproke ndërmjet palëve, nuk do të jenë efektive përderisa nuk përpilohen dhe nënshkruhen nga përfaqësuesit e autorizuar të të dyja palëve;

Mosmarrëveshjet që mund të lindin mes palëve zgjidhen me frymën e mirëkuptimit dhe me bisedime ndërmjet tyre.

Neni 4

Kohëzgjatja dhe efektet juridike

Kjo marrëveshje është e vlefshme për një periudhë 5 (pesë) vjeçare nga data e nënshkrimit. Afati i marrëveshjes mund të shtyhet nëse palët janë dakort për rinovimin e saj me shkrim. Nëse njëri prej Universiteteve kërkon ta zgjidhe këtë marrëveshje duhet të njoftojë me shkrim jo më pak se 60 (gjashtëdhjetë) ditë përpara. Mos rinovimi i kësaj Marrëveshje bëhet nëpërmjet komunikimit zyrtar nga Universiteti interesuar të paktën 3 (tre) muaj përpara përfundimit të saj.

Neni 5

Standardet dhe Konfidencialiteti

Të dyja palët janë të detyruara të përmbushin këtë marrëveshje me ndershmëri (integritet) të lartë dhe standarde profesionale, etike dhe kompetencë. Asnjëra nga palët nuk do t'i përdorë dhe nuk do t'ju tregojë të tretëve informacionet konfidenciale të palës tjetër apo informacionet e përbashkëta përveç informacioneve që nuk bien ndesh me konfidencialitetin.

Neni 6

Zgjidhja e Mosmarrëveshjeve

Palët kanë detyrimin të sillen me korrektësi kundrejt njëra-tjetrës. Kjo nënkupton përveç të tjerave që palët gjatë përmbushjes së detyrimeve të tyre reciproke dhe ushtrimit të veprimtarisë së tyre të mos cenojnë interesat e njëra-tjetrës.

Në rast të mos përmbushjes së detyrimeve të parashikuara në këtë marrëveshje në mënyre të përsëritur nga njëra prej palëve, palës tjetër i lind e drejta që me një njoftim me shkrim 3 muaj përpara të zgjidhë marrëveshjen në mënyre të njëanshme. Në çdo rast detyrimet ndërmjet palëve që lidhen me kohën kur marrëveshja ishte në fuqi duhet të shlyhen.

Çdo mosmarrëveshje që mund të lindë në interpretimin ose zbatimin e kësaj marrëveshjeje do të zgjidhet me mirëkuptim dhe palët angazhohen të negociojnë për të gjetur një zgjidhje sa më të përshtatshme. Për çdo element ligjor që nuk është parashikuar në këtë marrëveshje

palët do t'i referohen legjislacionit në fuqi. Në rast se një mosmarrëveshje nuk arrihet të zgjidhet me mirëkuptim palët i drejtohen Gjykatës për zgjidhjen e saj.

Neni 7
Hyrja në fuqi

Palët do të fillojnë zbatimin e këtij bashkëpunimi menjëherë pas nënshkrimit të kësaj marrëveshje. Kjo marrëveshje përmban 4 (katër) fletë dhe hartohet në 4 (katër) kopje në gjuhën Shqipe dy për secilën palë dhe pasi lexohet, firmoset nga përfaqësuesit përkatës.

PËR UNIVERSITETIN "UKSHIN HOTI" PRIZREN		PËR QENDRËN E BIZNESIT SUHAREKË	
Emri:	Z. Samedin Krrabaj	Emri:	Z. Refki Zogaj
Pozita:	Rektor	Pozita:	Kryetar
Nënshkrimi/Vula:	 	Nënshkrimi/Vula:	 
Data/ Vendi:	22.03.2024	Data/ Vendi:	22.03.2024